

## ¡BOMBA!

Inanciar *Sembrando Vida*, programa de exportación; “Biden dijo, a la salida, no traigo cambio, don”



# K'uintsil

Edición de fin de semana, del viernes 23 al domingo 25 de abril de 2021

CAMPECHE · YUCATÁN · QUINTANA ROO · AÑO 6 · NÚMERO 1467 · [www.lajornadamaya.mx](http://www.lajornadamaya.mx)

## K'ULU'

BA'ALCHE' OJÉELA'AN YAAN  
U NA'AT YÉETEL KO'

Kaja'ano'ob naats' ti' u ja'il u petenil Carmen, le beetike' ts'o'ok u suuktal u yantalo'ob tu'ux ku máan máak, máaxo'ob xan tséentik. K'ulu' wa *Procyon lotore'* yaan kex óoxp'éel u jejeláasil, u ch'i'ibale' mootschaja'an ti' u baatsil Procyonidae.

Jacqueline May Díaz, máax k'a'aytik ba'alo'ob ti' u múuch'kabil Desarrollo y Medio Ambiente, tu tsolaj k'ulu'obe' ba'alche' yaan jela'an ba'al ti' u ch'i'ibalil, tumen jach yaan u na'ato'ob, ku béeytal tak u wach'ik nu'ukulo'ob, beyxan u nu'ukulil tu'ux ku pu'ulul ta' miis yéetel tak joolnajo'ob.

Le ba'alche'a ma' seen nojochi' mix jach chichani', ts'o'okole' u yooke' óoli' je'el bix u ti'al wiinike', tumen ku k'a'abéetkunsik tuláakal u táan ti'al u xíimbal. Jbiologóo Ricardo Robles Montes de Oca, tu ya'alaje' je'el u p'isiko'ob ichil 50 yéetel 102 sentiimetros tu chowakil, tak tu nej, yéetel u aalile' je'el u chukik ichil 4.5 tak 15.9 kilográmos. Beyxan je'el u kuxtalo'ob tak 16 ja'abo'ob wa ich k'áax ku xuulta'alo'ob, ba'ale' u ya'abile' ma' táan u máan ti' ka'ap'éel ja'abi'.

K'ulu'e' ku jaantik óoli' je'el ba'axak ba'al ka u kaxt ich k'áax, abal, ix'i'm, p'aak, ichil uláak' ba'al. Beyxan u bak'el muuch, kay wa ch'o'.

GABRIEL GRANIEL

OOCHEL NATURALIST.MX

ESPECIAL: FAUNA NUESTRA | P. 49 TAK 51